

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO-NERETVANSKI KANTON  
OPĆINSKI SUD U KONJICU  
Broj: 56 0 Su 072028 Su 21 2  
Konjic, 23.12.2021. godine

Na osnovu člana 46. stav 1. Zakona o sudovima u Federaciji Bosne i Hercegovine („Službene novine Federacije BiH“, broj 38/05, 22/06, 63/10, 72/10, 7/13, 52/14 i člana 85/21), člana 42. Pravilnika o unutrašnjoj organizaciji i sistematizaciji radnih mjesta Općinskog suda u Konjicu i člana 4. Pravilnika o postupku prijema, kriterijima za izbor i postupku izbora sudskih pripravnika i sudskih pripravnika-volontera u Općinskom sudu u Konjicu, predsjednica Suda objavljuje

**JAVNI KONKURS**  
**za prijem sudskog pripravnika - volontera u Općinskom sudu u Konjicu**

Sudski pripravnik volonter, dipl. pravnik VSS, VII stepen ili visoko obrazovanje prvog (koji se vrednuje sa 240 ECTS bodova), drugog ili trećeg ciklusa Bolonjskog sistema studiranja pravne struke ----- 3 (tri) izvršioca

**Uvjeti:** Pored općih uvjeta predviđenih članom 25. stav 1. Zakona o državnoj službi u Federaciji BiH („Službene novine Federacije BiH“, broj: 29/03, 23/04, 39/04, 54/04, 67/05, 8/06 i 4/12), kandidati treba da ispunjavaju i posebne uvjete, i to:

Da posjeduje visoku stručnu spremu diplomirani pravnik VII stepen ili prvog (koji se vrednuje sa 240 ECTS bodova), drugog ili trećeg ciklusa Bolonjskog sistema studiranja pravne struke.

Izbor i prijem pripravnika-volontera izvršit će se na osnovu jedinstvenih kriterija utvrđenih u Pravilniku o postupku prijema, kriterijima za izbor i postupak izbora sudskih pripravnika i sudskih pripravnika-volontera u Općinskom sudu u Konjicu.

Kandidati su dužni uz prijavu, koja sadrži kraću biografiju, adresu i kontakt telefon, dostaviti i odgovarajuću dokumentaciju, u originalu ili ovjerenj fotografiji:

1. Diploma o završenom visokom obrazovanju (nostrificirana diploma, ukoliko diploma nije stečena u BiH ili je diploma stečena u nekoj od država nastaloj raspadom SFRJ nakon 06.04.1992. godine);
2. Uvjerenje fakulteta o prosjeku ocjena nakon završenog studija;
3. Uvjerenje Zavoda za zapošljavanje o dužini trajanja nezaposlenosti nakon sticanja diplome visokog obrazovanja VII stepena, odnosno visokog obrazovanja prvog, drugog ili trećeg ciklusa Bolonjskog sistema studiranja (ukoliko se kandidat nalazi na evidenciji Zavoda);
4. Rješenje o utvrđivanju stepena invalidnosti (ukoliko je kod kandidata utvrđen stepen invalidnosti 60% i više);
5. Uvjerenje/potvrda ukoliko su kandidati već negdje volontirali, odnosno obavili pripravnički staž.

Ovaj konkurs ostaje otvoren 15 dana nakon dana objavljivanja na Web stranici Općinskog suda u Konjicu, a biće objavljen na oglasnim tablama Službe za zapošljavanje Konjic, Jablanica, Prozor-Rama, oglasna tabla Općinskog suda u Konjicu i web stranica Suda: <http://opsud-konjic.pravosudje.ba>

Prijavu na konkurs sa dokazima o ispunjavanju uvjeta, kandidati mogu dostaviti na adresu:

Općinski sud u Konjicu,  
88400 Konjic  
Trg državnosti Alije Izetbegovića, broj 16  
ili putem prijemne kancelarije Suda sa naznakom  
„Javni konkurs za prijem pripravnika-volontera“.


Ostale dokumente kojima se dokazuje ispunjavanje općih uvjeta konkursa, izabrani kandidat će biti dužan dostaviti Sudu u roku od 8 (osam) dana od dana prijema obavještenja o rezultatima konkursa.

**Napomena:** Sudski pripravnik-volonter se prima na stručno osposobljavanje za samostalan rad, bez zasnivanja radnog odnosa (volonterski rad) u trajanju do **2 (dvije) godine.**

Potpunom prijavom smatra se ona koja sadrži sve podatke i priloge navedene u javnom konkursu.

Nepotpune i neblagovremene prijave neće se uzeti u razmatranje.

**Krajnji rok za dostavljanje dokumentacije je 10.01.2022. godine**



Predsjednica Suda  
Almina Čilić